

皇朝藩屬輿地叢書

皇朝詩林卷之四

漢西域圖考卷之三

番禺李光廷恢垣撰

天山以北諸國沿革考

前後蒲類車師後城長郁立師四國

今巴里坤

蒲類四國今巴里坤地東南接哈密西北接烏魯木齊今奇臺巡檢駐古城則與烏魯木齊分界地也自奇臺而東三十里入山五百六十里至肋巴泉塘山勢始開又東二百六十里而復合山環如城中爲巨泊今名巴爾庫爾急讀卽巴里坤淖爾古之蒲類海也山內之地爲漢蒲類國東漢時蒲類遷於阿惡又爲移支國治焉東界匈奴常爲戰地宣帝本始二年五將軍征匈奴蒲類將軍約烏孫合擊匈奴蒲類澤不相及而罷東漢明帝永平十六年竇固破匈奴呼衍王於天山

追至蒲類海班超將兵別擊伊吾戰於蒲類海和帝永元三年單于衰弱至蒲類海欵塞桓帝元嘉元年伊吾司馬毛愷之遣吏於蒲類海與呼衍王戰悉爲所沒敢煌太守馬達出塞至蒲類海呼衍王引去地迫而險爲匈奴所必爭張璠疏所云呼衍王常展轉蒲類秦海之間者也其南山卽天山亦曰白山西河舊事云天山最高後名時

羅漫山前書武帝紀天漢二年李廣利擊匈奴右賢王於天山征和三年遣馬通等分道出酒泉至天山此天山也後書永平十

七年竇固與耿秉擊白山降車師亦卽此山隋書突厥傳射匱可汗攻處羅可汗處羅走高昌東保時羅漫山唐書地理志天山在伊州

北一名白山胡名析羅漫山析羅卽特羅之轉此則天白白山同爲一山之証也宋樂史太平寰宇記云伊

州東北至時羅漫山二百四十里北有大川入同鵲界伊州西北至

時羅漫山百四十六里山北有大磧入金山哥羅祿住處蓋自烏魯

木齊之南其南支由孟克圖嶺東趨皆曰天山其自烏可克嶺東至

庫舍圖嶺卽今巴爾坤之南山也漢後屬匈奴晉世匈奴南徙敕勒
居之晉書敕勒傳有伊吾以西焉者以北諸部此屬其地元魏時屬
蠕蠕宣武帝永平中高車主彌俄突擊殺蠕蠕主伏圖於蒲類海卽
其地也隋時屬突厥後分爲西突厥唐世爲沙陀部與處月雜居唐
書沙陀傳云處月居金娑山之陽蒲類之東有大磧名沙陀故號沙
陀突厥者是已賀魯之反沙陀朱邪孤注據牢山以叛爲梁建方所
誅後亦漸強武后長安二年進沙陀金山爲金滿都督先天中子輔
國嗣徙居北廷唐所建置則貞觀十四年于始昌故城置蒲昌縣東
南有蒲類海今噶順溝地開元中置伊吾軍在伊州西北五百里今
肋巴泉塘地此皆鎮西廳所轄境也自鎮西廳西北逾山以至奇臺
縣西爲古城東爲木壘在漢爲蒲類後國

在木車師後城長國

在奇臺北

郁立師國

在古成北

唐前沿革與鎮西同至唐則貞觀十四年置蒲類縣

卽今古城地開元中置甘露州在今木壘城東北唐書地理志云別自

羅護守捉

今上魯番哈刺和卓之正北也

西北上乏驢嶺百二十里至赤谷又經金

山口經長泉龍泉百八十里至獨山守捉又經蒲類縣百六十里至

北廷

今古城至吉木薩百八十里

又舊唐書地理志云甘露州在北廷東南五百

里而鹹泉鎮郝遮鎮特羅堡子皆在北廷之東此皆奇臺縣所轄境

也太宗貞觀中西突厥分國兩地皆屬咄陸高宗永徽五年平賀魯

置崑陵都督府地又屬焉德宗貞元五年沙陀叛附吐蕃隨虜南徙

其地遂空懿宗咸通七年僕固俊由北廷取西州地并入高昌屬阿

薩蘭回鶻後唐莊宗同光二年遼逾流沙取浮屠城始通西域宋真

宗咸平六年

遼聖宗統和二十一年

遼脩可敦城景德元年

遼統和二十二年

遼以可

敵城爲鎮州軍地人於遼徽宗宣和四年耶律大石自雲中西走可
敵城至北廷是可敵城在北廷之東亦近木壘也南渡之後爲別失
八里東境屬亦都護而高昌種亦雜居元太祖三年西征至獨山城
空無居人命月朶失野訥移唆里迷國六十戶居之九年再至則已
繁庶遂授月朶爲達魯花赤此卽唐設守捉之地今古城南百里之
松山也後并於畏兀以封亦都護泰定後復以宗王鎮焉明初爲瓦
拉部而巴里坤地亦有汗明史哈密傳所稱迤北汗鬼力赤卽其酋
也復有乜克力小列禿兩部號北山種皆役屬瓦拉後分四衛拉特
屬和碩特部明末固始汗遷居西海此爲準噶爾台吉游牧地我
朝康熙三十六年準部噶爾丹敗死割阿爾泰山以西界策妄那布
坦地爲我有康熙二十八年策妄入犯西路始屯兵焉雍正五年策

妄死罷西師仍事防秋七年巴里坤始建城會噶爾丹策零入寇副將樊廷以兵二千敗之復命岳鍾琪爲甯遠大將軍出師西路屯兵巴里坤以俟繫十年岳鍾琪築木壘城後移兵回巴里坤乾隆二十年阿睦爾薩納內附命定西將軍永常由巴里坤出西路阿逆叛永常自烏魯木齊退回木壘旋退回巴里坤二十一年再出師兆惠由巴里坤赴援二十二年正月厄魯特全部皆叛兆惠自伊犁轉戰而歸圖倫楚以巴里坤兵應援回巴里坤及三月出師兆惠仍由巴里坤入伊犁蓋新疆之定西路兵皆由此迄今則開屯興學歸諸郡縣裁糧員設守令文物同於內地矣

巴里坤鎮西廳城雍正七年威信公岳鍾琪建高丈九尺周八里二分四釐征準部時兩駐大軍軍罷置廳設同知一員乾隆三十八年升爲

府改城爲鎮西府城置宜禾奇臺二縣宜禾附郭設總兵一員駐綠旗馬步兵三千六百七十八名道光中移道員駐此改府爲廳宜禾縣遂裁今惟設同知一員

會甯城在廳城東南乾隆三十七年建高一丈六尺周六里三分設領隊大臣一員滿營駐防兵九百十二名奇臺縣在廳城西北五百六十里名靖遠城乾隆三十八年建設知縣一員隸鎮西廳

古城在奇臺縣西北八十里與孚遠滿城相比古城乾隆三十五年建駐提標後營游擊一員綠旗駐防兵四百一名設巡檢一員隸奇臺縣孚遠城乾隆三十九年建駐領隊大臣一員滿營駐防兵一千名

木壘城雍正十年岳威信公奏建在廳城西北六百六十里奇臺縣東百里設守備一員綠旗駐防兵三百名

車師後庭前後卑陸單桓東西且離烏合訾離劫國八國今烏魯木齊

附今庫爾喀喇烏蘇沿革攷

自車師後庭以西與匈奴烏孫接界者今名烏魯木齊北阻戈壁南

控陰山自伊犁而東其南支壁曰天山其北支曰陰山西至瑪納斯河東至濟木薩城為今

迪化州所轄阜康昌吉綏來三縣地漢為車師後王庭及山北六國

卑陸單桓劫國烏合訾離且離其部立師國屬奇台縣漢通西域後部當匈奴之衝爭之尤力宣

帝地節二年鄭吉發兵擊車師交河城破之此今土魯番雅兒城王尙在其北

石城中隋書高昌北有赤石山山北有貪汗山城在山中壘石為之當即此城唐書地志亦云赤石山多赤色因名在貪汗山西

七十里即今保惠城之南山也唐書也里志云自西州西北至交河縣又北八十里為龍泉館其北入谷百三

十里經柳谷度金娑嶺百六十里經石會戍至北廷都平帝元始中護治所此與下宋王延德記皆今交河北入保惠城路

徐普欲開五船新道後王姑句不肯以眾降匈奴王莽建國二年遣

右伯甄豐出西域後王置離謀入匈奴校尉刁護械置離送將婁城

都護但欽殺之共兄狐蘭支舉國亡入匈奴東漢光武朝遣子入侍

卻之明帝永平十六年取伊吾地前後王皆附十八年匈奴破殺後

王安得攻金蒲城

即車師後庭今濟木薩也

耿恭擊卻之移據疏勒城

此與金蒲近

會

帝崩車師復叛與匈奴共圍恭章帝建初元年耿秉破交河城遣兵

迎恭乃得歸和帝永元二年大將軍竇憲破匈奴復內屬八年後王

涿鞮擊前部王虜其妻子九年遣長史王林討斬之立其弟農奇爲

王安帝永甯元年後王軍就擊殺長史索班延光四年班勇屯柳中

發兵擊獲軍就於索班殺處斬之立故王子加特奴爲王又遣別校

擊斬東且彌王更立其種人爲王順帝永建元年勇發加特奴兵擊

呼衍王破之陽嘉三年車師司馬復發後王兵擊匈奴於閼吾谷大

有斬獲四年春呼衍王侵後部散煌太守救之不利秋呼衍王遂破後部桓帝永興元年後王阿羅多反侯炭遮嶺餘人叛之阿羅多走北匈奴漢立故王軍就子卑君爲王阿羅多復還與卑君爭國詣校尉閭詳降於是立阿羅多爲王以卑君還散煌此皆濟木薩地也三國時東西且離卑桓卑陸蒲類

魏志注西戎傳作蒲陸

烏貪皆並於車師後部

其王治於賴城魏賜其王壹多雜守魏侍中大都尉受魏王印見魏志注西戎傳北魏時復存且離見於北史後六國皆爲鐵勒地亦曰高車役屬蠕蠕魏書高昌傳云北有赤石山山北有貪汗山

貪汗山在古城

西南二十里

此山北鐵勒界也孝文帝太和十一年蠕蠕主豆嵩犯塞高車

阿伏至羅與從弟窮奇諫不從率所部至前部西北自立爲王此則正今烏魯木齊地時阿伏至羅在北窮奇在南十四年阿伏至羅亦

貢凱而厭達以兵滅焉者北侵高車殺窮奇虜其子彌俄突阿伏至
羅又殘暴國人殺之立其宗人跋利延歲餘厭達納彌俄突國人又
殺跋利延迎彌俄突立之彌俄突既立復入貢尋與蠕蠕主伏圖
戰於蒲類海殺伏圖明帝熙平初彌俄突爲蠕蠕醜奴所禽部衆悉
入厭達厭達聽彌俄突之弟伊訥歸國遣使來奉表封爲高車王正
光中伊訥擊敗蠕蠕其弟越居殺之而自立東魏孝靜帝天平中伊
訥子比適又殺越居而自立興和中比適爲蠕蠕所破其子去賓奔
東魏地入蠕蠕蠕滅屬突厥隋煬帝大業四年西突厥處羅厚鉢
鐵勒諸部諸部共推契弊即慧部歌楞爲莫賀可汗居貪汗山伊吾高
昌焉耆諸國皆附其地有浮圖城卽漢後庭地別有五城後名回鶻五城也
名五城地其西又有莫賀城在今雙河堡西二十里唐設沙鉢鎮莫賀所築蓋全得今

迪化一州三縣地矣唐高祖武德中射匱可汗方強莫賀黜汗號往

附之自是屬西突厥太宗貞觀十四年侯君集討高昌欲谷設屯浮

屠城與高昌相應及高昌平卽其地置廷州立金滿與延州同城輪臺在今

迪化州東一縣卽二十一年賀魯內附處之廷州莫賀

城高宗永徽二年賀魯遣子咥運寇廷州攻金嶺城在今保惠城南山遣梁

建方討之五年賀魯平以阿史那彌射爲崑陵府大都督此地屬焉

武后長安二年改爲北廷都護府統攝突騎施堅昆斬分置各鎮拓

地愈廣唐書地理志云自廷州西延城西六十里有鈔鉢守捉卽莫賀城

有憑洛守捉又八十里有耶勒城守捉又八十里有俱六城守捉至

輪臺縣又百五十里有張堡城守捉皆一州三縣地也元宗開元二

年突厥子同俄特勒寇北廷郭虔瓘斬之後蓋嘉運置瀚海軍於北

廷城中十六蕃新州胡部隸焉而葛羅祿之陰山州實近輪臺蓋南

徙而入其境

葛羅祿分三部顯慶二年以謀落部爲陰山都督府煬侯部爲松漠都督府踏實力部爲元池都督府後漸南

而陰山州在此境

長春西游記云宿輪臺縣東陰山下蓋以唐之陰山州得名是葛羅祿常居之寰宇記所云山北有大磧入金山哥羅

祿也

天寶中葛羅祿居金山北廷者遂自立葉護矣肅宗上元中軍

鎮多陷北廷李元忠獨爲唐守德宗建中元年以元忠爲北廷都護

貞元五年陷於吐蕃懿宗咸通七年僕固俊自北廷取西州復通於

唐自後合於西州稱西州回鶻亦稱阿薩蘭回鶻後唐莊宗同光二

年遼太祖逾流沙拔浮屠城西鄙皆屬周太祖廣順二年

遼穆宗應歷二年

遼遣遏鐸使其國自是貢獻不絕宋興亦入貢太宗太平興國六年

稱西州師子王阿厮蘭漢即阿薩蘭也宋王延德使高昌記云王邀

延德至北廷歷交河州凡五日至金嶺口又兩日至漢家砦又五日

上金嶺嶺上有龍堂刻石記云小雪山也嶺上有積雪行人皆毛屬

度嶺一日至北廷蓋盡有漢前後廷地矣後獨貢於遼徽宗宣和四

年耶律大石西走可敵城駐北廷都護府欽宗靖康元年大石稱帝

於伊犁地役於西遼南渡後北廷又名別失八里亦都護入交州西

遼主封爲交河王令統其地東界仍與高昌雜居元太祖四年亦都

護降始內屬文正西游錄所云金山南有回鶻城名別石把即別失八里

有唐碑所謂瀚海軍者也後並爲畏吾兒以封亦都護會亦都護紐

林入朝卽其地置鎮北廷都護府改畏吾斷事官爲北廷都護府後

復歸亦都護而北廷之西則太祖九年討契丹遺俗始得其地劉郁

西使記云自和林今土謝圖出兀孫今烏里雅西北行二百里地漸

高入站經瀚海地極高寒雖溽暑雪不消山石皆松文西南七日過

瀚海

本記云瀚海古金山也按文正西游錄云戊寅太極十達行在所明年大舉西伐過金山時方盛夏雪凝冰積斷冰為道松檜參

天花草

彌谷金山而西水皆西流入海其南有回鶻城名別石把有唐碑所謂瀚海軍也瀚海去城數百里海中有嶼其土皆禽鳥所落

羽毛城

西二百里此以今濟木薩為瀚海與劉記殊且言蒲類海亦未確

也附誌

行三百里地漸下此為烏里雅蘇臺于烏魯有河濶數里曰

昏木輦

木輦河也此羅克倫河

夏漲以舟楫濟又三日過龍骨河

馬納思河

皆今西

境也後亦封諸王不知何屬而亦都護所封北廷之地泰定後亦歸

朝廷无之亡也為猛可帖木兒所據稱反抗部猛可死分為三渠明

成祖永樂七年封馬哈木為順甯王太平為賢義王把秃孛羅為安

樂王三渠中惟馬哈木最強十年襲殺元主本雅失里十一年入寇

帝親征破之土拉河

在和林東

十四年死子脫歡嗣宣宗宣德九年襲殺

元相阿魯台英宗正統初又殺賢義安樂兩王併其眾自是愈恣四